

ডাইভার্সিটি ইমিগ্র্যান্ট ভিসা প্রোগ্রাম ২০০৫ (ডিভি-২০০৫)

সম্পর্কে নির্দেশাবলী

ঢাকা, ১৫ই অক্টোবর -- যুক্তরাষ্ট্র কংগ্রেস কর্তৃক অনুমোদিত ডাইভার্সিটি অভিবাসন ভিসা (ডিভি) কার্যক্রম যুক্তরাষ্ট্র পররাষ্ট্র দফতর প্রতি বছর পরিচালনা করে। ‘অভিবাসন ও জাতীয়তা আইন’ (আইএনএ)-এর ২০৩ (গ) ধারার শর্তাবলীর অধীনে এই কার্যক্রম পরিচালিত হয়ে থাকে। “ডাইভার্সিটি ইমিগ্র্যান্ট্স” (ডিভি ইমিগ্র্যান্ট্স বা ডিভি অভিবাসী) হিসেবে পরিচিত একটি নতুন শ্রেণীর অভিবাসী মর্যাদা প্রদান করার জন্য অভিবাসন আইন ১৯৯৯-এর (পার্লিক ল ১০১-৬৪৯) ১৩১ নম্বর ধারা-য় ‘আইএনএ’ ২০৩ সংশোধন করা হয়। যেসব দেশ থেকে যুক্তরাষ্ট্রের অভিবাসনের হার কম, এই আইন অনুযায়ী সেসব দেশ থেকে প্রতি বছর ৫০ হাজার লোককে যুক্তরাষ্ট্রে স্থায়ীভাবে বসবাসের ভিসা দেয়ার ব্যবস্থা রয়েছে।

চলতি বছর থেকে যে সকল আবেদনকারী ডাইভার্সিটি ভিসা লটারি কার্যক্রমে অংশ গ্রহণ করতে চান তাদেরকে অবশ্যই ইন্টারনেটের একটি নির্ধারিত ওয়েবসাইট www.dvlottery.state.gov -- এর মাধ্যমে ইলেক্ট্রনিক্যালি আবেদন করতে হবে। ইলেক্ট্রনিক ভিসা আবেদনের ফর্ম পুরণের জন্য আবেদনকারীরা আগামী ১লা নভেম্বর, ২০০৩ শনিবার থেকে ৩০শে ডিসেম্বর, ২০০৩ মঙ্গলবার পর্যন্ত এই ওয়েবসাইটে প্রবেশাধিকার পাবেন। কাগজে কোন আবেদনপত্র এবং ডাইভার্সিটি ভিসা কার্যক্রমে রেজিস্ট্রেশনের জন্য ডাকযোগে কোন অনুরোধ গৃহীত হবে না।

ডিভি-২০০৫ কার্যক্রমে আরো নতুন কিছু পরিবর্তন সূচীত হয়েছে। উদাহরণ হিসেবে বলা যায়, ইলেক্ট্রনিক ডাইভার্সিটি ভিসা আবেদনপত্রের জন্য স্বাক্ষরের প্রয়োজন নেই।

আইন অনুযায়ী ডিভি লটারি রেজিস্ট্রেশনের সময়কালে একজন আবেদনকারী মাত্র একটি আবেদনপত্রই পাঠাতে পারবেন। যে সব আবেদনকারীর পক্ষ থেকে একাধিক আবেদনপত্র জমা দেয়া হবে সে লটারিতে অংশ গ্রহণের অযোগ্য বলে প্রতিপন্ন হবে। একজন স্বামী এবং একজন স্ত্রী দু'জনেই আলাদা আলাদা আবেদনপত্র পাঠাতে পারবেন যদি দু'জনেরই শর্ত পুরণের ঘোষ্যতা থাকে।

ইংরেজি ভাষায় ডিভি-২০০৫ কর্মসূচীর সম্পূর্ণ নির্দেশাবলী ইন্টারনেটের www.usembassy-dhaka.org, অথবা www.travel.state.gov/dv2005 এই ওয়েবসাইটে পাওয়া যাবে। সুষ্ঠুভাবে এই সব নির্দেশ পালন অবেদনকারীদের জন্য অত্যন্ত গুরুত্বপূর্ণ।

যুক্তরাষ্ট্র দুতাবাস ডাইভার্সিটি ভিসা কার্যক্রম ২০০৫-এর একটি বাংলা অনুবাদ প্রস্তুত করেছে। এখানে ইডিভি-২০০৫-এর নির্দেশাবলীর সম্পূর্ণ বাংলা অনুবাদ দেয়া হলো:

বার্ষিক ডিভি কার্যক্রমে স্থায়ী ভিসা দেয়া হয় তাদেরই যারা সহজ, অর্থ কঠোরভাবে পালনীয় কতিপয় শর্ত পূরণ করতে পারেন। ডাইভার্সিটি ভিসার আবেদনকারীদের কম্পিউটারের মাধ্যমে লটারিতে কোন প্রকার বাছ বিচার না করে নির্বাচন করা হয়। ভিসাগুলো বন্টন করা হয় ছয়টি ভৌগোলিক অঞ্চলের মধ্যে; সবচেয়ে বেশি সংখ্যক ভিসা পাবে সেই ভৌগোলিক অঞ্চল, যেখান থেকে যুক্তরাষ্ট্রে অভিবাসনের হার সবচেয়ে কম। যেসব দেশ থেকে বিগত পাঁচ বছরে ৫০ হাজারের বেশি নাগরিক যুক্তরাষ্ট্রে অভিবাসী হয়ে গেছে, তারা এই ভিসা পাবে না। একটি ভৌগোলিক অঞ্চলের কোন দেশ কোন একটি বছরে যতগুলো ডাইভার্সিটি ভিসা দেয়া হবে তার সাত শতাংশের বেশি সংখ্যক ভিসা পাবে না।

যে সকল দেশ বিগত পাঁচ বছরে যুক্তরাষ্ট্রে মোট ৫০,০০০ হাজারেরও বেশি অভিবাসী প্রেরণ করেছে সে সকল দেশের বাসিন্দারা ডিভি-২০০৫ কার্যক্রমে আবেদন করতে পারবে না। সেই দেশগুলো হলো:

কানাডা, চীন (মূল ভূ-খণ্ডে জন্মগ্রহণকারী), কলম্বিয়া, ডমিনিকান প্রজাতন্ত্র, এল সালভাদর, হাইতি, ভারত, জ্যামাইকা, মেক্সিকো, পার্কিস্তান, ফিলিপাইন, রাশিয়া, দক্ষিণ কোরিয়া, যুক্তরাজ্য (উত্তরাঞ্চলীয় আয়ারল্যান্ড বাদে) এবং এর অধীন অঞ্চলসমূহ, এবং ভিয়েতনাম। হংকং এসএআর, ম্যাকাও এসএআর, এবং তাইওয়ানে জন্মগ্রহণকারীগণ আবেদন করতে পারবেন।

১লা নভেম্বর, ২০০৩ শনিবার থেকে ৩০শে ডিসেম্বর, ২০০৩ মঙ্গলবারের মধ্যে ডিভি-২০০৫ ডাইভার্সিটি ভিসা লটারিয়ে আবেদনপত্র ইলেক্ট্রনিক্যালি পাঠাতে হবে। ডাইভার্সিটি ভিসার আবেদনের ইলেক্ট্রনিক ফর্ম আবেদনকারীরা ১লা নভেম্বর থেকে শুরু হওয়া ৬০ দিনব্যাপী সময়কালের প্রারম্ভে ওয়েবসাইটের '়ী.ফায়ডঃঃবং.ঃধঃব.মড়া' এই ঠিকানায় পাবেন। কাগজে কোন আবেদনপত্র গৃহীত হবে না।

আবেদনপত্র প্রেরণের শর্তসমূহ

- আবেদনকারীকে অবশ্যই ১০ নম্বর পৃষ্ঠায় তালিকাবদ্ধ দেশগুলোর একটির বাসিন্দা হতে হবে। “যে সকল ভৌগোলিক অঞ্চলের দেশগুলোর বাসিন্দা আবেদন করার যোগ্য তাদের তালিকা” দেখুন।

যে দেশের বাসিন্দা আবেদন করার যোগ্য: অধিকাংশ ক্ষেত্রে এর অর্থ হলো আবেদনকারী যে দেশে জন্ম গ্রহণ করেছেন। যদি কোন ব্যক্তি এমন কোন দেশে জন্ম গ্রহণ করে থাকেন যার বাসিন্দারা আবেদন করার অযোগ্য কিন্তু তার স্বামী/স্ত্রী যে দেশে জন্মগ্রহণ করেছেন তাকে নিজের বলে দাবী করতে পারেন এবং সে ক্ষেত্রে আবেদনকারী ও তার স্বামী বা স্ত্রীকে যুগপৎ যুক্তরাষ্ট্র প্রবেশের ভিসা দেয়া হবে। যদি কোন ব্যক্তি এমন কোন দেশে জন্মগ্রহণ করে থাকেন যার বাসিন্দারা আবেদন করার অযোগ্য, কিন্তু তার পিতা বা মাতা সেখানে জন্মগ্রহণ করেননি বা তার জন্মের সময় সেখানকার অধিবাসী ছিলেন না, সেই ব্যক্তি তার পিতা বা মাতা যে দেশে জন্মগ্রহণ করেছেন, নিজেকে তার অধিবাসী হিসেবে দাবী করতে পারেন।

- আবেদনকারীকে অবশ্যই ডিভি প্রোগ্রামের শিক্ষাগত যোগ্যতা বা প্রশিক্ষণের শর্ত পূরণ করতে হবে।

শিক্ষা অথবা প্রশিক্ষণ: একজন আবেদনকারীর অবশ্যই প্রাথমিক ও উচ্চ মাধ্যমিক স্তরের অথবা এর সমমানের শিক্ষা অর্থাৎ ১২ বছরের শিক্ষাক্রম সাফল্যের সংগে সমান্ত করতে হবে। অথবা তার বিগত পাঁচ বছরে এমন কোন কাজে দুই বছরের কাজের অভিজ্ঞতা থাকতে হবে যাতে দুই বছরের প্রশিক্ষণ বা কাজের অভিজ্ঞতার দরকার হয়। কোন কোন কাজের অভিজ্ঞতা যোগ্য বলে বিবেচিত তা নির্ণয়ের উদ্দেশ্যে যুক্তরাষ্ট্র শ্রম দফতরের ৪*ঘবঃ ৪হখরহব ফধঃধনধংব ব্যবহার করা যাবে। যুক্তরাষ্ট্র শ্রম দফতর কর্তৃক অনুমোদিত যোগ্য পেশার তালিকার একটি লিংক আবেদনকারীগণ কনসুলার বিষয়ক ওয়েবসাইটে পাবেন। এর ঠিকানা হলো: www.travel.state.gov

যদি আবেদনকারী এই সব শর্ত পূরণ না করেন তাহলে তার ডিভি কার্যক্রমে আবেদনপত্র পাঠানোর দরকার নেই।

ডিভি-২০০৫ কর্মসূচীতে আবেদনপত্র পাঠানোর পদ্ধতি

- কোন আবেদনকারীর কাছ থেকে একাধিক আবেদনপত্র পাওয়া গেলে তার সব আবেদনপত্র বাতিল হয়ে যাবে, তার পক্ষ হয়ে যেই আবেদনপত্র জমা দিন না কেন। আবেদনকারীরা তাদের আবেদনপত্র নিজেরাই প্রস্তুত করে পাঠাতে পারেন অথবা তাদের হয়ে অন্য কেউ তা পাঠাতে পারেন।
- আগামী ১লা নভেম্বর, ২০০৩ থেকে শুরু হওয়া ৬০ দিনব্যাপী রেজিস্ট্রেশন সময়কালের মধ্যে যুক্তরাষ্ট্র পররাষ্ট্র দফতর কেবলমাত্র সে সমস্ত ডাইভারসিটি ভিসা আবেদনপত্রই এহণ করবে যেগুলো ইলেক্ট্রনিক-ভাবে পাঠানো হবে। ইলেক্ট্রনিক ডাইভারসিটি ভিসা (ইডিভি) আবেদনপত্র পাঠানোর ঠিকানা:
www.dvlottery.state.gov
- একটি সম্পূর্ণ ইলেক্ট্রনিক ডিভি লটারির আবেদনপত্র বা ‘ইডিভি’ পাবার পর পরই পররাষ্ট্র দফতর এর প্রাণি স্বীকার করে আবেদনকারীকে একটি নোটিশ পাঠাবে।
- কাগজে পাঠানো আবেদনপত্র গৃহীত হবে না।
- প্রয়োজনীয় ছবি সংযুক্ত করা না হলে আবেদনপত্র বাতিল হয়ে যাবে। আবেদনকারী, তার স্বামী/ স্ত্রী, ২১ বছর বয়সের নিচে নিজের সকল ছেলেমেয়ে এবং দত্তক নেয়া ছেলেমেয়ে ও সৎ ছেলেমেয়েসহ প্রত্যেক সন্তানের, এমনকি তারা যদি আবেদনকারীর সংগে নাও থাকে, অথবা ডিভি কর্মসূচীর আওতায় তাদের যদি অভিবাসন গ্রহণের ইচ্ছা নাও থাকে, তাহলেও তাদের প্রত্যেকের সম্প্রতি তোলা ছবি আবেদনপত্রের সংগে সংযুক্ত করতে হবে। এই আবেদনপত্রের সাথে কেবলমাত্র সেই সন্তানের ছবি দিতে হবে না যে ইতিমধ্যেই যুক্তরাষ্ট্রের নাগরিক অথবা সেখানকার একজন বৈধ স্থায়ী অধিবাসী। পরিবারের গুপ্ত ছবি গ্রহণযোগ্য হবে না; পরিবারের প্রত্যেক সদস্যের আলাদা আলাদা ছবি থাকতে হবে।

সুতরাং, প্রত্যেক আবেদনকারী, তার স্বামী/স্ত্রী, এবং প্রত্যেক সন্তানের একটি করে কম্পিউটার ফাইলের প্রয়োজন হবে যেখানে তাদের প্রত্যেকের ডিজিটাল ফটো থাকবে যা ‘ইডিভি’ আবেদনপত্রের সাথে অনলাইনে জমা দিতে হবে। এই ছবির ফাইলটি একটি নতুন ডিজিটাল ফটোগ্রাফ-এর হতে পারে বা কোন ডিজিটাল স্ক্যানার দিয়ে ছবি স্ক্যান করেও ছবি পাঠানো যেতে পারে।

জমা দেয়া ডিজিটাল ছবিসমূহ যদি নিম্নলিখিত নির্দেশাবলী ও নীতিমালা অনুযায়ী না হয়, তাহলে এই নতুন সিস্টেম স্বয়ংক্রিয়ভাবেই ‘ইডিভি’ আবেদনপত্র প্রত্যাখ্যান করবে এবং আবেদনপত্র প্রেরণকারীকে জানিয়ে দেবে।

- ডিজিটাল ছবিটি অবশ্যই “জয়েন্ট ফটোগ্রাফিক এক্সপার্টস গ্রুপ” (জেপিইজি) ফরম্যাটে হতে হবে।
- ছবিটি অবশ্যই রঙিন অথবা ‘সাদাকালো’ (গ্রেস্কেল) হতে হবে; মনোক্রোম ইমেজ (২-নরঃ পড়মড়ঃ ফবচঃষ্ট) গ্রহণ করা হবে না।
- যদি একটি নতুন ডিজিটাল ছবি তোলা হয় তাহলে এর রিজোলুশন অবশ্যই প্রস্ত্রে ৩২০ পিক্সেল এবং দৈর্ঘ্যে ২৪০ পিক্সেল হতে হবে এবং কালার ডেপ্থ হয় ২৪-নরঃ কালার, ৮-নরঃ কালার অথবা ৮-নরঃ গ্রেস্কেল হতে হবে।
- কোন ছবির প্রিন্ট যদি স্ক্যান করা হয়, তাহলে ওই ছবির প্রিন্ট-এর মাপ অবশ্যই ২ ইঞ্চি চ ২ ইঞ্চি (৫০মি.মি চ ৫০ মি.মি.) হতে হবে। এমন এক রিজোলুশনে ছবিটি স্ক্যান করতে হয় যাতে প্রতি ইঞ্চিতে ১৫০ ডট (ডিপিআই) আসে এবং কালার ডেপ্থ হয় ২৪-নরঃ কালার, ৮-নরঃ কালার অথবা ৮-নরঃ গ্রেস্কেল।
- ছবির সর্বোচ্চ যে আকার গ্রহণ করা হবে তার মাপ হতে হবে বাষটি হাজার পাঁচশ’ (৬২,৫০০) বাইট।

জমা দেয়া ডিজিটাল ছবিসমূহ যদি নিম্নলিখিত নির্দেশাবলী ও নীতিমালা অনুযায়ী না হয়, তাহলে আবেদনপত্র অযোগ্য হিসেবে বিবেচিত হবে।

- আবেদনকারী, তার স্বামী/ স্ত্রী, বা সন্তানকে ক্যামেরার দিকে সরাসরি মুখ করে ছবি তুলতে হবে; ছবি তোলার সময় মাথা উপরের দিকে তুলে বা নাচের দিকে নামিয়ে বা ডানে-বামে কাত করা চলবে না। মাথা ছবির ৫০ শতাংশ এলাকা জুড়ে থাকতে হবে।
- সাদা বা হালকা রঙের পটভূমিতে ছবি তুলতে হবে। কালো অথবা খুব গাঢ়, বা কোন নকশা করা বা জাঁকাল পটভূমিতে তোলা ছবি গ্রহণযোগ্য হবে না।
- ছবিতে ব্যক্তির মুখ ফোকাসের মধ্যে না থাকলে তা গ্রহণযোগ্য হবে না।
- গাঢ় রঙের চশমা পরে বা চেহারার মধ্যে অন্য কিছুতে মনোযোগ আকৃষ্ট করে এমন কোন কিছু পরে তোলা ছবি গ্রহণযোগ্য হবে না।
- ধর্মীয় বিশ্বাসের কারণে মাথা ঢাকা বা হ্যাট পরা ছবি গ্রহণযোগ্য; কিন্তু তা কোনৰূপেই আবেদনকারীর মুখমডলকে আড়াল করলে চলবে না। উপজাতীয় বা ধর্মীয় নয় এমন কোন মন্তকাবরণীসহ ছবি গ্রহণযোগ্য নয়। সামরিক বাহিনী, বিমান কোম্পানি বা অন্য কোন প্রকারের হ্যাট পরা ছবি গ্রহণ করা হবে না।

আবেদনপত্র

ডিভি-২০০৫ লটারিতে আবেদনপত্র পাঠানোর একটিই মাত্র পথ আছে। আবেদনকারীদেরকে অবশ্যই **ইলেক্ট্রনিক ডাইভারসিটি ভিসা (ইডিভি)** আবেদনপত্র জমা দিতে হবে যা পাওয়া যাবে এই ঠিকানায়: www.dvlottery.state.gov। এই আবেদনপত্র পুরণে ব্যর্থ হলে আবেদনকারী আবেদনপত্র অযোগ্য বলে গণ হবে। ইডিভি আবেদনের ফর্মে আবেদনকারীদেরকে নিম্নলিখিত তথ্যাদি প্রদান করতে হবে:

১. **পুরো নাম:** নামের শেষাংশ/পারিবারিক নাম, প্রথম অংশ, মাঝের অংশ
২. **জন্ম তারিখ:** দিন, মাস, বছর
৩. **লিঙ্গ:** পুরুষ অথবা নারী
৪. **জন্মস্থান:** কোন শহরে জন্ম হয়েছে
৫. **আবেদনকারী যে দেশে জন্ম গ্রহণ করেছে:** আবেদনকারী যে দেশে জন্ম গ্রহণ করেছে সেই দেশের বর্তমানে প্রচলিত নাম উল্লেখ করতে হবে।
৬. **আবেদনকারীর ছবি:** ছবি সংক্রান্ত বিস্তারিত নির্দেশাবলীর জন্য ৪ ও ৫ নম্বর পৃষ্ঠা দেখুন।
৭. **পূর্ণ ঠিকানা:** ঠিকানা, শহর, জেলা/দেশ/প্রদেশ/রাষ্ট্র, পোস্টাল কোড/জিপ কোড, দেশ।
৮. **ফোন নম্বর:** এক্সিক
৯. **ই-মেইল অ্যাড্রেস:** এক্সিক
১০. **আবেদনের জন্য যোগ্যতাসম্পন্ন দেশ যদি আবেদনকারী যে দেশের অধিবাসী, তা তার জন্ম স্থানের থেকে পৃথক হয় --** আবেদনকারী যদি তার জন্মস্থানের থেকে পৃথক কোন দেশের অধিবাসী বলে নিজেকে দাবী করেন তাহলে তার আবেদনপত্রে এই তথ্য স্পষ্টভাবে উল্লেখ করতে হবে। যদি কোন আবেদনকারী তার স্বামী/স্ত্রী বা পিতামাতার সুত্রে কোন দেশের অধিবাসী বলে নিজেকে দাবী করেন তাহলে তা তার আবেদনপত্রে উল্লেখ করতে হবে।
১১. **বিবাহ বিষয়ক তথ্য:** বিবাহিত অথবা অবিবাহিত
১২. **যে সব সন্তান অবিবাহিত এবং যাদের বয়স ২১ বছরের নিচে তাদের সংখ্যা**
১৩. **স্বামী/স্ত্রী সংক্রান্ত তথ্য:** নাম, জন্ম তারিখ, লিঙ্গ, জন্মের শহর, জন্মের দেশ, ছবি
১৪. **সন্তান সংক্রান্ত তথ্য:** নাম, জন্মের তারিখ, লিঙ্গ, জন্মের দেশ, ছবি
দ্রষ্টব্য: আবেদনকারীর স্বামী/স্ত্রী, অবিবাহিত ও ২১ বছরের কম বয়সী সন্তান, আইনগতভাবে বৈধ দত্তক সন্তান, সৎ ছেলেমেয়ে যারা অবিবাহিত ও যাদের বয়স ২১ বছরের কম, যদিও আপনি সন্তানের পিতা/মাতার সঙ্গে আর বিবাহ বন্ধনে আবদ্ধ নন, এবং এমনকি যদিও ওই স্বামী/স্ত্রী বা সন্তান বর্তমানে আপনার সঙ্গে থাকে

না বা আপনার সংগে অভিবাসী হবে না তবুও আবেদনকারীকে তাদের নাম, জন্ম তারিখ ও জন্ম স্থান আবেদনপত্রে উল্লেখ করতে হবে। এই আবেদনপত্রে কেবলমাত্র সেই সব সন্তানের ছবি দিতে হবে না যারা ইতিমধ্যেই যুক্তরাষ্ট্রের নাগরিক অথবা সেখানকার বৈধ স্থায়ী অধিবাসী। উল্লেখ্য যে বিবাহিত সন্তান বা ২১ বছর বা তদুর্ধ বয়সী সন্তান ডাইভারসিটি ভিসা পাওয়ার যোগ্য নয়। তবে সব ছেলেমেয়েকে তালিকাভুক্ত করা না হলে ভিসার জন্য আপনি অযোগ্য বিবেচিত হবেন। (“ফ্রিকুয়েন্টালি আক্সড কোর্যেশন্স” তালিকার ১১ নম্বর প্রশ্ন দেখুন)।

আবেদনকারী বাছাই

সকল যোগ্য আবেদনপত্রের মধ্য থেকে কম্পিউটারের মাধ্যমে নির্বিচারে যোগ্য আবেদনকারী বাছাই করা হবে। এতে যারা নির্বাচিত হবে তাদেরকে ২০০৪ সালের মে থেকে জুলাই মাসের মধ্যে জানিয়ে দেয়া হবে এবং যুক্তরাষ্ট্রে অভিবাসন গ্রহণের ফি-সংক্রান্ত তথ্যাদিসহ পরবর্তী নির্দেশ পাঠানো হবে। যে সকল আবেদনকারী নির্বাচিত হবে না তাদেরকে কিছু জানানো হবে না। বিভিন্ন দেশে যুক্তরাষ্ট্রের দুতাবাস এবং কনস্যুলেটসমূহের কাছে সফল আবেদনকারীদের তালিকা পাঠানো হবে না। সফল আবেদনকারীদের স্বামী/স্ত্রী, এবং অবিবাহিত ও ২১ বছর বয়সের কম সন্তানেরাও প্রধান আবেদনকারীর সাথে অভিবাসন গ্রহণের জন্য অথবা পরবর্তীতে তার সাথে যোগ দেয়ার জন্য ভিসার আবেদন করতে পারবেন। ২০০৪ সালের ১লা অক্টোবর থেকে ২০০৫ সালের ৩০শে সেপ্টেম্বরের মধ্যে ডিভি-২০০৫ কার্যক্রমের সকল ভিসা ইস্যু করতে হবে।

প্রকৃতপক্ষে একটি ভিসা লাভের জন্য নির্বিচারে বাছাইয়ের মাধ্যমে নির্বাচিত আবেদনকারীদেরকে যুক্তরাষ্ট্রের আইন অনুযায়ী ও চাহিদামাফিক সকল শর্ত পূরণ করতে হবে। আবেদনপত্র প্রক্রিয়াকরণ এবং সফল আবেদনকারী ও তাদের পরিবারের যোগ্য সদস্যদের ডাইভারসিটি ভিসা অবশ্যই ২০০৫ সালের ৩০শে সেপ্টেম্বর তারিখের মধ্যরাতের আগেই ইস্যু করতে হবে। কোন পরিস্থিতিতেই এই তারিখের পরে কোন ডাইভারসিটি ভিসা ইস্যু বা কোন প্রকার সমন্বয় করা যাবে না বা মূল আবেদনকারীর সাথে যোগ দেয়ার জন্য তার পরিবারের কোন সদস্যকেও এই তারিখের পরে ভিসা দেয়া যাবে না।

গুরুত্বপূর্ণ বিজ্ঞপ্তি

বার্ষিক ডিভি কর্মসূচীতে অংশ নিতে কোন ফি দিতে হয় না। ডিভি প্রোগ্রাম পরিচালনার জন্য যুক্তরাষ্ট্র সরকার বাইরের কোন উপদেষ্টা বা বেসরকারী সার্ভিস নিযুক্ত করেনি। আবেদনকারীদের ডিভির আনুষঙ্গিক বিষয়াদি প্রস্তুত করার জন্য যদি কোন মধ্যস্থতাকারী বা অন্য কেউ সহায়তা করার প্রস্তাব দেন, তাহলে তারা তা করবেন যুক্তরাষ্ট্র সরকারের কর্তৃত বা সম্ভতি ব্যতিরেকে। ডিভি কর্মসূচীর আবেদনপত্র তৈরির ব্যাপারে কোন মধ্যস্থতাকারী বা অন্য কারো সহায়তা নেয়ার বিষয়টি পুরোপুরিভাবে নির্ভর করে আবেদনকারীর ইচ্ছার ওপর।

একজন আবেদনকারীর কাছ থেকে ইলেক্ট্রনিক মাধ্যমে সরাসরি প্রাপ্ত যোগ্যতার শর্ত পূরণকারী একটি আবেদনপত্রের কেন্টাকি কনসুলার সেন্টারে কম্পিউটার কর্তৃক নির্বাচিত হবার সম্ভাবনা একজন আবেদনকারীর পক্ষ থেকে অর্থের বিনিময়ে অন্য কারো প্রস্তুত করা ইলেক্ট্রনিক মাধ্যমে পাঠানো আবেদনপত্রের সম্ভাবনার সমান। ডিভি লটারি রেজিস্ট্রেশনের নির্দিষ্ট সময়সীমার মধ্যে প্রেরিত প্রতিটি আবেদনপত্রেই তার অঞ্চলের মধ্যে নির্বাচিত হবার সমান সম্ভাবনা রয়েছে। যা হোক, কোন আবেদনকারীর পক্ষে একাধিক আবেদনপত্র পাওয়া গেলে, তা যে উৎস থেকেই প্রেরিত হোক না কেন, আবেদনকারী লটারিতে তালিকাভুক্তির জন্য অযোগ্য বিবেচিত হবেন।

ডিভি রেজিস্ট্রেশন বিষয়ে প্রায়শঃই যে সকল প্রশ্ন করা হয়ে থাকে বা “ফ্রিকুরেন্টলি আস্কড কোরেশন্স”

- যোগ্য দেশের “অধিবাসী” বা “নেটিভ” বলতে কি বোঝায়? এমন কোন পরিস্থিতি আছে কি যেখানে কোন ব্যক্তি যোগ্য দেশে জন্ম গ্রহণ না করেও ডিভি কর্মসূচীতে আবেদন করতে পারবেন?
“নেটিভ” বা যোগ্য দেশের অধিবাসী বলতে সাধারণতঃ বোঝায় আবেদনকারী যে নির্দিষ্ট একটি দেশে জন্ম গ্রহণ করেছেন, আবেদনকারী বর্তমানে যে দেশেরই অধিবাসী বা যে জাতীয়তারই হোন না কেন। কিন্তু অভিবাসনের জন্য “নেটিভ” বা যোগ্য দেশের অধিবাসী বলতে আরো বোঝায় কোন ব্যক্তি ‘অভিবাসন ও জাতীয়তা আইন’-এর ২০২(খ) অনুচ্ছেদ-এর শর্ত অনুযায়ী যে দেশে জন্ম গ্রহণ করেছেন সে দেশ ছাড়াও অন্য কোন দেশকে নিজের বলে দাবী করতে পারেন।

উদাহরণ হিসেবে বলা যেতে পারে, একজন প্রধান আবেদনকারী এমন একটি দেশে জন্ম গ্রহণ করেছেন যে দেশটি এ বছরের ডিভি কর্মসূচীতে আবেদন করার যোগ্য নয়, কিন্তু তার স্বামী/স্ত্রী যে দেশে জন্মগ্রহণ করেছেন তিনি নিজেকে সেই দেশের অধিবাসী হিসেবে দাবী করতে পারেন, কিন্তু যতোক্ষণ না পর্যন্ত ওই স্বামী/স্ত্রী ডিভি-

২ পাবার যোগ্যতা না অর্জন করেন ততোক্ষণ পর্যন্ত প্রধান আবেদনকারীকে ডিভি-১ ভিসা ইস্যু করা হবে না এবং সে ক্ষেত্রে আবেদনকারী ও তার স্বামী বা স্ত্রী উভয়কে অবশ্যই একত্রে ডিভি ভিসার অধীনে যুক্তরাষ্ট্রে প্রবেশ করতে হবে। একই ভাবে, মা-বাবার ওপর নির্ভরশীল সন্তান তার মা বা বাবার জন্মগ্রহণকারী দেশকে নিজের দেশ বলে দাবী করতে পারে।

সর্বশেষ, একজন আবেদনকারী যিনি চলাতি বছরের ডিভি কর্মসূচীর জন্য অযোগ্য ঘোষিত একটি দেশে জন্ম গ্রহণ করেছেন তিনি তার মা অথবা বাবা উভয়ের কোন একজনের দেশ-এর হয়ে আবেদন করতে পারবেন যদি না আবেদনকারীর জন্মের সময় তার মা বা বাবার কেউ ওই অযোগ্য দেশের অধিবাসী হয়ে থাকেন। সাধারণত, লোকেরা যে দেশে জন্ম গ্রহণ করে না বা আইনগতভাবে নাগরিক হয় না এবং যদি তারা সাময়িক ভাবে সে দেশে ভ্রমণ করতে যায় বা ব্যবসা অথবা পেশাগত কারণে কিছু দিনের জন্য সে দেশে অবস্থান করে তাহলে তাদেরকে সে দেশের অধিবাসী হিসেবে গণ্য করা হয় না।

একজন আবেদনকারী যিনি এরকম অন্য একটি দেশকে নিজের দেশ হিসেবে গণ্য করে ডিভি কার্যক্রমে আবেদন করবেন তাকে আবেদনপত্রে অবশ্যই এ সংক্রান্ত সকল তথ্য অন্তর্ভুক্ত করতে হবে।

২. চলাতি বছরের ডাইভারসিটি ভিসা রেজিস্ট্রেশনে আবেদনের প্রক্রিয়ায় কোন পরিবর্তন অথবা নতুন কোন শর্তাবলী অন্তর্ভুক্ত করা হয়েছে কি না?

ডিভি-২০০৫ লটারির সকল আবেদনপত্র শনিবার, ১লা নভেম্বর, ২০০৩ থেকে মঙ্গলবার, ৩০শে ডিসেম্বর, ২০০৩ তারিখের মধ্যে ইলেক্ট্রনিকভাবে www.dvlottery.state.gov এই ঠিকানায় পাঠাতে হবে। কাগজে পাঠানো আবেদনপত্র গৃহীত হবে না।

ডাইভারসিটি ভিসা প্রক্রিয়া আরো দক্ষ এবং অধিকতর নিরাপদ করার জন্য পররাষ্ট্র দফতর আবেদনপত্র গ্রহণের একটি ইলেক্ট্রনিক ব্যবস্থা চালু করেছে। অবৈধ অভিবাসনের উদ্দেশ্যে যে সব আবেদনকারী তথ্য জালিয়াতি করবে বা যারা একের অধিক আবেদনপত্র জমা দেবে তাদেরকে সনাক্ত করার জন্য পররাষ্ট্র দফতর বিশেষ প্রযুক্তি এবং অন্যান্য উপায় ব্যবহার করবে।

ডিভি আবেদনপত্রে স্বাক্ষর বিষয় যে সব শর্তাবলী ছিল তা প্রত্যাহার করা হয়েছে এবং ডিভি-২০০৫ ডাইভারসিটি অভিবাসন ভিসা রেজিস্ট্রেশন-এর সময়কাল ১লা নভেম্বর থেকে ৩০শে ডিসেম্বর পর্যন্ত নির্ধারণ করা হয়েছে। চলাতি বছরের ডিভি লটারিতে বিগত বছর থেকে আরো যে বড় পরিবর্তন করা হয়েছে তা হলো রাশিয়ার অধিবাসীরা ডাইভারসিটি ভিসার জন্য আবেদন করতে পারবে না। (কেন ডিভি কর্মসূচী-তে কিছু নির্দিষ্ট দেশের অধিবাসীরা আবেদন করার যোগ্য নয় তা জানার জন্য অনুগ্রহ করে ৪ নম্বর প্রশ্নোত্তর দেখুন)।

৩. পরিবারের প্রতিটি সদস্যের জন্যই কি স্বাক্ষর ও ছবি বাধ্যতামূলক, অথবা তা শুধু প্রধান আবেদনকারীর জন্য প্রযোজ্য?

ইলেক্ট্রনিক ডাইভারসিটি ভিসা আবেদনপত্রের জন্য স্বাক্ষরের প্রয়োজন নেই। আবেদনকারী, তার স্বামী/স্ত্রী এবং ২১ বছর বয়সের নীচে সকল সন্তানের সাম্প্রতিককালে তোলা আলাদা আলাদা ছবি পাঠাতে হবে। পারিবারিক ও গ্রুপ ফটো গ্রহণযোগ্য নয়। ছবি সংক্রান্ত সকল তথ্যের জন্য এই বুলেটিনের ৪ ও ৫ নম্বর পৃষ্ঠা দ্রষ্টব্য।

৪. ডিভি কর্মসূচী-তে কিছু নির্দিষ্ট দেশের অধিবাসীরা কেন আবেদন করার যোগ্য নয়?

ডাইভারসিটি ভিসা প্রদানের লক্ষ্য হচ্ছে যে সব দেশ প্রতি বছর যুক্তরাষ্ট্রে ব্যাপক সংখ্যক অভিবাসী পাঠায় তারা বাদে অন্য সব দেশের অধিবাসীদের অভিবাসন সুবিধা প্রদান করা। যে সব দেশের অধিবাসীদের যুক্তরাষ্ট্রে প্রবেশের হার অত্যন্ত উচ্চ, যুক্তরাষ্ট্রের আইন অনুযায়ী তারা ডাইভারসিটি ভিসা পাবার যোগ্য নয়। আইনে বিষয়টি এভাবে ব্যাখ্যা করা হয়েছে যে বিগত পাঁচ বছরে যে সব দেশের ৫০ হাজারের বেশি নাগরিক পারিবারিক পৃষ্ঠপোষকতায় এবং চাকুরি-ভিত্তিক ভিসা ক্যাটিগরিতে যুক্তরাষ্ট্রে অভিবাসী হয়ে গেছে, তারা এই ভিসা পাবে না। প্রতি বছর ‘ব্যরো অব সিটিজেনশিপ অ্যান্ড ইমিগ্রেশন সার্ভিসেস’ (বিসিআইএস) পারিবারিক ও চাকুরির ভিত্তিতে আগত অভিবাসীর সংখ্যা বিগত পাঁচ বছরের সংখ্যার সাথে জুড়ে দেয় যাতে সেই সব দেশকে সনাক্ত করা যায় যে সব দেশের অধিবাসীদেরকে বার্ষিক ডাইভারসিটি লটারি থেকে বাদ দেয়া যায়। যেহেতু প্রতিটি বার্ষিক ডিভি আবেদনপত্র গ্রহণের সময়কালের আগে নতুন করে তালিকা নির্ধারণ করা হয়, তাই এক বছরের অযোগ্য ঘোষিত দেশের তালিকা থেকে পরবর্তী বছরের তালিকা আলাদা হতে পারে।

৫. ডিভি-২০০৫ কর্মসূচীর সংখ্যাগত সীমা বলতে কি বোঝায়?

আইন অনুসারে, প্রতি বছর যুক্তরাষ্ট্রের ডাইভারসিটি অভিবাসন কর্মসূচীর অধীনে যোগ্য আবেদনকারীদেরকে সর্বোচ্চ ৫৫,০০০ স্থায়ী ভিসা প্রদান করা হয়ে থাকে। তবে, ১৯৯৭ সালের নভেম্বর মাসে ‘নিকারাগুয়ান অ্যাডজাস্টমেন্ট অ্যান্ড সেন্ট্রাল অ্যামেরিকান রিলিফ’ (এনএসএআরএ) নামে কংগ্রেস যে আইন পাশ করে তাতে বলা হয়েছে যে বার্ষিকভাবে বরাদ্দকৃত ৫৫ হাজার ভিসার মধ্যে পাঁচ হাজার ভিসা ‘এনএসএআরএ’ কর্মসূচীর অধীনে ব্যবহারের জন্য পৃথক করে রাখা হবে। ডিভি-৯৯ কর্মসূচী থেকে এই বিশেষ ব্যবস্থা চালু হয়েছে এবং যতোদিন পর্যন্ত প্রয়োজন ততোদিন তা চলবে। ডিভি ভিসার প্রকৃত সংখ্যা কর্ময়ে ৫০ হাজার করা হয় সর্বপ্রথম ডিভি-২০০০ কর্মসূচী থেকে এবং ডিভি-২০০৫ কর্মসূচীর জন্যও তা বলবৎ থাকবে।

৬. ডিভি-২০০৫ কর্মসূচীর জন্য আঞ্চলিক ডাইভারসিটি ভিসার সংখ্যার সীমা কতো?

অভিবাসন ও জাতীয়তা আইনের (আইএনএ) ২০৩(গ) ধারায় উল্লিখিত ফর্মুলা অনুসারে ব্যরো অব ইমিগ্রেশন অ্যান্ড সিটিজেন সার্ভিসেস (বিসিআইএস) প্রতি বছর ডিভি-র আঞ্চলিক সংখ্যা নির্ধারণ করে তাকে। ‘বিসিআইএস’ গণনা সম্পন্ন করে ফেললেই আঞ্চলিক ভিসার সংখ্যা ঘোষণা করা হবে।

৭. ডিভি-২০০৫ কর্মসূচীর আবেদনপত্র কখন থেকে গ্রহণ করা হবে?

ডিভি-২০০৫ কর্মসূচীর আবেদনপত্র গ্রহণ করার সময় শুরু হবে শনিবার, ১লা নভেম্বর, ২০০৩ থেকে এবং তা চলবে পরবর্তী ৬০ দিন পর্যন্ত অর্থাৎ মঙ্গলবার, ৩০শে ডিসেম্বর, ২০০৩ পর্যন্ত। প্রতি বছর রেজিস্ট্রেশনের সময়কালে লাখ লাখ লোক এই কর্মসূচীতে আবেদন করে থাকে। এই জমা পড়া বিপুল পরিমাণ আবেদনপত্র থেকে সফল আবেদনকারী বাছাই ও নির্বাচন প্রক্রিয়ায় প্রচুর কাজ করতে হয়। তাই আবেদনপত্র গ্রহণের সময় নভেম্বর ও ডিসেম্বর মাস নির্ধারণ করায় সফল আবেদনকারী বাছাই এবং আরো সময় করে তাদের জানিয়ে দেয়ার বিষয়টি নিশ্চিত করা সম্ভব হবে। এর ফলে তারা এবং বিদেশে আমেরিকান দুতাবাসসমূহ এবং কনস্যুলেটগুলোও অভিবাসন প্রক্রিয়া ও ভিসা ইস্যুর প্রস্তুতি সম্পন্ন করার জন্য হাতে সময় পাবে।

৮. যুক্তরাষ্ট্রে বাস করছেন এমন ব্যক্তিগুলি কি ডিভি কর্মসূচীতে আবেদন করতে পারবেন?

হ্যাঁ, একজন আবেদনকারী যুক্তরাষ্ট্রে বা অন্য কোন দেশে বসবাস করতে পারেন এবং যুক্তরাষ্ট্র বা অন্য কোন দেশ থেকে তিনি আবেদন করতে পারবেন।

৯. বার্ষিক ডিভি লটারি রেজিস্ট্রেশনের সময়কালে প্রত্যেক আবেদনকারী কি মাত্র একটি আবেদনপত্রই পাঠাতে পারবেন?

হ্যাঁ, আইন অনুযায়ী ডিভি লটারি রেজিস্ট্রেশনের সময়কালে একজন আবেদনকারী মাত্র একটি আবেদনপত্রই পাঠাতে পারবেন। যে সব আবেদনকারীর পক্ষ হয়ে একাধিক আবেদনপত্র জমা দেয়া হবে সে লটারিতে অংশ গ্রহণের অযোগ্য বলে প্রতিপন্ন হবে। রেজিস্ট্রেশনের সময়কালে যারা একাধিক আবেদনপত্র জমা দেবে তাদেরকে সনাক্ত করার জন্য পররাষ্ট্র দফতর সুক্ষ্ম প্রযুক্তি এবং অন্যান্য মাধ্যম ব্যবহার করবে। যে সব আবেদনকারী একাধিক আবেদনপত্র জমা দেবে তাদেরকে অযোগ্য ঘোষণা করা হবে এবং তাদের সম্পর্কে পররাষ্ট্র দফতরে একটি স্থায়ীভাবে একটি রেকর্ড রাখা হবে। আবেদনকারীগণ প্রতি বছরই ডিভির নিয়মিত আবেদনের সময়কালে আবেদন করতে পারবেন।

১০. একজন স্বামী এবং একজন স্ত্রী কি আলাদা আবেদনপত্র পাঠাতে পারবেন?

হ্যাঁ, একজন স্বামী এবং একজন স্ত্রী দু'জনেই আলাদা আলাদা আবেদনপত্র পাঠাতে পারবেন যদি দু'জনেরই শর্ত পুরণের যোগ্যতা থাকে। দু'জনের মধ্যে একজন যদি নির্বাচিত হন তাহলে অন্যজনও ভিসা পাওয়ার যোগ্যতা লাভ করবেন।

১১. আমার ডিভি আবেদনপত্রে পরিবারের কোন কোন সদস্যকে অবশ্যই অন্তর্ভুক্ত করতে হবে?

আবেদনপত্রে আপনার স্বামী বা স্ত্রীর নাম অবশ্যই উল্লেখ করতে হবে এবং সকল অবিবাহিত ও ২১ বছরের কম বয়সী সন্তানদের নামও থাকতে হবে। এই আবেদনপত্রে কেবলমাত্র সেই সব সন্তানের ছবি দিতে হবে না যারা ইতিমধ্যেই যুক্তরাষ্ট্রের নাগরিক অথবা সেখানকার বৈধ স্থায়ী অধিবাসী। এমনকি আপনি যদি আপনার স্বামী বা স্ত্রী থেকে বর্তমানে বিচ্ছিন্নও থাকেন তাহলেও তার নাম আবেদনপত্রে অবশ্যই উল্লেখ করতে হবে। তবে আপনি যদি আইনগতভাবে তার থেকে তালাক নিয়ে থাকেন তাহলে আপনার প্রাক্তন স্বামী/স্ত্রীর নাম তালিকাভুক্ত করার প্রয়োজন নেই। প্রথাগত বিয়ের জন্য গুরুত্বপূর্ণ তারিখ হচ্ছে মূল বিয়ে উৎসবের তারিখ, ওই তারিখ নয় যেদিন আপনার বিয়ে রেজিস্ট্র করা হয়েছিল। আপনার অবিবাহিত ও ২১ বছরের কম বয়সী সকল সন্তানের নাম অবশ্যই তালিকাভুক্ত করতে হবে, তারা আপনার নিজের সন্তান, আপনার স্বামী/স্ত্রীর আগেকার বিয়ের সন্তান, অথবা আপনার দেশের আইন অনুযায়ী আনুষ্ঠানিকভাবে দত্তক নেয়া সন্তানাদি সকলেরই নাম, জন্ম তারিখ ও জন্ম স্থান আবেদনপত্রে উল্লেখ করতে হবে। এই আবেদনপত্রে কেবলমাত্র সেই সব সন্তানের নাম উল্লেখ করতে হবে না যারা ইতিমধ্যেই যুক্তরাষ্ট্রের নাগরিক অথবা সেখানকার বৈধ স্থায়ী অধিবাসী। এমনকি যদি ২১ বছর বয়সের নিচে কোন সন্তান বর্তমানে আপনার সঙ্গে থাকে না অথবা ডিভি কর্মসূচীর অধীনে আপনার সঙ্গে অভিবাসী হবে না তাহলে তাদের নামও আপনাকে আবেদনপত্রে উল্লেখ করতে হবে।

প্রকৃতপক্ষে, আপনার পরিবারের সকল সদস্যের নাম আবেদনপত্রে উল্লেখ করার অর্থ এই নয় যে তারা পরবর্তীতে আপনার সঙ্গে ভ্রমণ করবে। তারা দেশেও রয়ে যেতে পারে। তবে, আপনি যদি একজন যোগ্য ও আপনার ওপর নির্ভরশীল সন্তানকে আপনার ভিসা আবেদনের ফর্মে উল্লেখ করেন যার কথা আপনি মূল আবেদনপত্রে উল্লেখ করতে ব্যর্থ হয়েছিলেন, তাহলে আপনার ডিভি আবেদনপত্র বাতিল হয়ে যাবে। (এই বিষয়টি কেবলমাত্র সেই সব ব্যক্তিদের ক্ষেত্রে প্রযোজ্য যারা ডিভি-র মূল আবেদনপত্র জমা দেয়ার সময় আপনার পোষ্য ছিল, পরবর্তীতে গৃহীত কোন পোষ্য এই আবেদনপত্রে অন্তর্ভুক্ত করা যাবে না)। আপনার স্বামী/স্ত্রী একটি আবেদনপত্র জমা দিতে পারে, যদিও সে আপনার আবেদনপত্রেও অন্তর্ভুক্ত রয়েছে, তবে দু'টি আবেদনপত্রেই পরিবারের সকল পোষ্য সম্পর্কে বিস্তারিত তথ্য প্রদান করতে হবে। এ বিষয়ে আরো জানার জন্য ১০ নম্বর প্রশ্ন দেখুন।

১২. সকল আবেদনকারীকে তাদের নিজেদের আবেদনপত্র নিজেদেরকেই পাঠাতে হবে, অথবা একজন আবেদনকারীর হয়ে অন্য কেউ কি আবেদনপত্র পাঠাতে পারে?

আবেদনকারীরা তাদের আবেদনপত্র নিজেরাই প্রস্তুত এবং পাঠাতে পারে অথবা অন্য কেউ তাদের হয়ে আবেদনপত্র পাঠাতে পারে। তবে আবেদনকারী সরাসরি আবেদনপত্র জমা দেন অথবা কোন আইনজীবী, বন্ধু, আত্মীয় প্রভৃতি কেউ তাদের সাহায্য করুন না কেন, প্রত্যেকের নামে কেবল একটিমাত্রই আবেদনপত্র পাঠানো যাবে। আবেদনপত্রটি যদি নির্বাচিত হয় তাহলে তার কাছে যে ‘নোটিফিকেশন লেটার’টি পাঠানো হবে তা কেবলমাত্র আবেদনপত্রে উল্লিখিত ঠিকানায় ডাকযোগে পাঠিয়ে দেয়া হবে।

১৩. শিক্ষা অথবা কাজের অভিজ্ঞতার ক্ষেত্রে কি কি চাহিদা রয়েছে?

আইন ও সংশ্লিষ্ট বিধি অনুযায়ী প্রত্যেক আবেদনকারীর অবশ্যই কমপক্ষে হাইস্কুলের শিক্ষা বা সমমানের শিক্ষা বা বিগত পাঁচ বছরে এমন কোন পেশায় দুই বছরের কাজের অভিজ্ঞতা থাকতে হবে যাতে দুই বছরের প্রশিক্ষণ বা অভিজ্ঞতার প্রয়োজন হয়। “হাইস্কুলের বা সমমানের শিক্ষা” বলতে যুক্তরাষ্ট্রে প্রাথমিক ও মাধ্যমিক মিলিয়ে ১২ বছরের শিক্ষা সফলভাবে সমাপ্ত করা বা অন্য কোন দেশে যুক্তরাষ্ট্রের হাইস্কুল শিক্ষার সংগে তুলনীয় প্রাথমিক ও মাধ্যমিক স্তরের আনুষ্ঠানিক শিক্ষা সমাপ্ত করা বোঝায়। লটারির আবেদনপত্রের সংগে শিক্ষার বা কাজের অভিজ্ঞতার সনদপত্র জমা দিতে হবে না। কিন্তু তা ভিসার জন্য ইন্টারভিউ-এর সময় কনসুলার অফিসারের কাছে অবশ্যই পেশ করতে হবে। কাজের অভিজ্ঞতার ভিত্তিতে যোগ্যতা নিরূপণ করতে শ্রম দফতরের অনলাইন ড্যাটাবেজ ওঁ্খবঁ: ওহখরহব ব্যবহার করা যেতে পারে।

১৪. সফল আবেদনকারী কিভাবে নির্বাচিত করা হবে?

কেন্টাকি কনসুলার সেন্টার-এ আবেদনপত্র জমা পড়ার পর বিশ্বের প্রতিটি অঞ্চল থেকে পাওয়া সকল আবেদনপত্রে আলাদা আলাদাভাবে নম্বর দেয়া হবে। লটারিতে রেজিস্ট্রেশনের সময়সীমা শেষ হবার প্রতিটি ভৌগোলিক অঞ্চল থেকে প্রাপ্ত সকল আবেদনপত্রের মধ্য থেকে কোন প্রকার বাছাবিচার না করে একটি কম্পিউটার আবেদনকারীদের নির্বাচন করবে। প্রতিটি অঞ্চলের ক্ষেত্রে নির্বিচারে বাছাই করা প্রথম আবেদনপত্রটি হবে রেজিস্ট্রিকৃত প্রথম আবেদনকারীর, বাছাই করা দ্বিতীয় আবেদনপত্রটি হবে রেজিস্ট্রিকৃত দ্বিতীয় আবেদনকারীর, ইত্যাদি। রেজিস্ট্রেশনের সময়কালে প্রাপ্ত সকল আবেদনপত্র প্রতিটি অঞ্চলের মধ্যে নির্বাচিত হবার সমান সম্ভাবনা রয়েছে। একজন আবেদনকারী যখন নির্বাচিত হবেন তখন তাকে কেন্টাকি কনসুলার সেন্টার থেকে একটি ‘নোটিফিকেশন লেটার’ পাঠিয়ে জানিয়ে দেয়া হবে। সেই সংগে তাকে ভিসার জন্য আবেদন করার প্রক্রিয়াসহ অন্যান্য নির্দেশাবলীও জানানো হবে। যারা নির্বাচিত হবেন তাদেরকে ভিসা সাক্ষাত্কারের জন্য

যুক্তরাষ্ট্রের কোন কনসুলার অফিসের সামনে হাজির হবার নির্দেশ না দেয়া পর্যন্ত অথবা মর্যাদা পরিবর্তনের জন্য যুক্তরাষ্ট্রের কোন ‘বিসিআইএস’ অফিসে আবেদন না করা পর্যন্ত কেন্টাকি কনসুলার সেন্টার এই সকল আবেদনপত্রসমূহ প্রক্রিয়া করা অব্যাহত রাখবে।

১৫. বিজয়ী আবেদনকারীগণ কি ‘বিসিআইএস’-এর সাথে তাদের মর্যাদা সমন্বয় করতে পারবেন?

হ্যাঁ, ‘আইএনএ’-র অনুচ্ছেদ ২৪৫-এর শর্তাধীনে অন্য কোনভাবে মর্যাদা সমন্বয় করার যোগ্য না হলে নির্বাচিত প্রাথীগণ যারা সশরীরে যুক্তরাষ্ট্রে উপস্থিত আছেন তারা স্থায়ী অধিবাসী হিসেবে মর্যাদা সমন্বয়ের জন্য ‘ব্যরো অব সিটিজেনশীপ অ্যান্ড ইমিগ্রেশন সার্ভিসেস’ (বিসিআইএস)-এ আবেদন করতে পারেন। আবেদনকারীদেরকে অবশ্যই নিচিত করতে হবে যে ৩০শে সেপ্টেম্বর, ২০০৫-এর আগেই তাদের অন্য দেশে অবস্থানরত আজীয়-স্বজনের বিষয়াদি প্রক্রিয়া করাসহ ‘বিসিআইএস’ যাতে তাদের কেস-এর ব্যাপারে সমুদয় কার্যাদি সম্পন্ন করতে পারে। কারণ ওই তারিখেই ডিভি-২০০৫ কর্মসূচীর রেজিস্ট্রেশনের মেরাদ শেষ হয়ে যাবে। ৩০শে সেপ্টেম্বর, ২০০৫-এর মধ্যরাত্রির পর ডিভি-২০০৫ কর্মসূচীর জন্য কোন পরিস্থিতিতেই আর কোন ভিসা নথর প্রদান করা হবে না।

১৬. যে সব আবেদনকারী নির্বাচিত হবে না তাদেরকে কি জানানো হবে?

না, যে সব আবেদনকারী নির্বাচিত হবে না তারা কোন প্রকার চিঠি পাবে না। যারা নির্বাচিত হবে কেবলমাত্র সেই সব আবেদনকারীকেই জানানো হবে। আবেদনের সময়সীমা শেষ হবার নয় মাস সময়কালের মধ্যে আবেদনপত্রে উল্লিখিত ঠিকানায় সকল ‘নেটিফিকেশন লেটার’ পাঠয়ে দেয়া হবে। যিনি এধরনের কোন চিঠি পাবেন না তিনি বুঝে নেবেন যে তার আবেদনপত্র নির্বাচিত হয়নি।

১৭. মোট কতোজন আবেদনকারীকে নির্বাচিত করা হবে?

ডিভি-২০০৫ কর্মসূচীর জন্য ৫০,০০০ ভিসা বরাদ্দ করা হয়েছে, কিন্তু তার চাইতেও বেশি সংখ্যক ব্যক্তিকে নির্বাচিত করা হবে। কারণ এটা খুবই সম্ভব যে প্রথম ৫০,০০০ ব্যক্তি ভিসা লাভের জন্য নির্বাচিত হবেন তারা ভিসা লাভের যোগ্যতা অর্জন করবেন না বা ভিসা প্রাপ্তির জন্য তাদের কেসগুলো যথেষ্ট শক্তিশালী হবে না। তাই বরাদ্দকৃত সকল ডিভি ভিসাই যাতে ইস্যু করা যায় তা নিশ্চিত করার জন্য কেন্টাকি কনসুলার সেন্টার ৫০,০০০-এরও বেশি আবেদনপত্র নির্বাচিত করবে। তবে, এর অর্থ এই যে প্রাথমিকভাবে যারা নির্বাচিত হবেন তাদের সকলের জন্য যথেষ্ট সংখ্যক ভিসা না-ও দেয়া হতে পারে। যে সকল আবেদনকারী নির্বাচিত হবেন তাদেরকে যতো শীঘ্র সম্ভব তালিকায় তাদের অবস্থান সম্পর্কে জানিয়ে দেয়া হবে। যারা নির্বাচিত হবেন ২০০৪-এর অক্টোবর মাসের প্রথম দিকে তাদের সাক্ষাত্কার গ্রহণ শুরু হবে। বিদেশে যুক্তরাষ্ট্র দুতাবাসসমূহে কনসুলার

অফিসারদের সাথে নির্ধারিত সাক্ষাৎকার শুরু হবার চার থেকে ছয় সপ্তাহ আগে কেন্টাকি কনস্যুলার সেন্টার নির্বাচিত আবেদনকারী-দেরকে সাক্ষাৎকারের চিঠি পাঠাবে। ভিসার সংখ্যা বরাদ্দ সাপেক্ষে প্রতি মাসেই ভিসা ইস্যু করা হবে সেই সব আবেদনকারীদেরকে যারা ওই মাসে ইস্যু হওয়া ভিসার জন্য প্রস্তুত হবে। ৫০,০০০ ডিভি ভিসার সমষ্টই যখন ইস্যু করা সম্পূর্ণ হবে, তখন ওই বছরের কর্মসূচী শেষ হবে। নীতিগতভাবে, ২০০৫ সালের সেপ্টেম্বর মাসের আগেই ভিসার সংখ্যা ফুরিয়ে যেতে পারে। নির্বাচিত আবেদনকারীগণ যারা ভিসা লাভ করতে ইচ্ছুক ভিসা লাভের জন্য তাদের দ্রুত প্রস্তুতি গ্রহণ করতে হবে। **কেন্টাকি কনস্যুলার সেন্টারে কম্পিউটার কর্তৃক বাছবিচারহীনভাবে আবেদনপত্র নির্বাচন স্বয়ংক্রিয়ভাবে এটা নিশ্চিত করে না যে আপনি ভিসা লাভ করবেন।**

১৪. ডিভি কর্মসূচীতে আবেদন করতে আবেদনকারীদের জন্য কোন ন্যূনতম বয়স আছে কি না?

ডিভি কর্মসূচীতে আবেদন করার জন্য ন্যূনতম কোন বয়সসীমা নেই। তবে আবেদন করার সময় প্রত্যেক প্রধান আবেদনকারীর জন্য হাই স্কুল শিক্ষা অথবা কাজের অভিজ্ঞতার যে শর্ত দেয়া হয়ে থাকে তাতে করে ১৪ বছরের নিচে বেশির ভাগ ব্যক্তিই কার্যকরভাবে অযোগ্য হিসেবে গণ্য হবে।

১৯. ডিভি কর্মসূচীর জন্য কি কোন নির্দিষ্ট ফি রয়েছে?

ডিভি আবেদনপত্র জমা দেয়ার জন্য কোন ফি দিতে হয় না। এ বছরের কর্মসূচীর জন্য যে সব আবেদনকারী প্রকৃতই নির্বাচিত হবেন যুক্তরাষ্ট্রের কোন কনস্যুলার সেকশনে তাদের আবেদনপত্র প্রক্রিয়াকরণের জন্য তাদেরকে পরবর্তীতে একটি বিশেষ ডিভি কেস প্রক্রিয়াকরণ ফি দিতে হবে। অন্যান্য অভিবাসন ভিসা আবেদনকারীদের মতো ডিভি আবেদনকারীদেরকেও ভিসা ইস্যু করার সময় নিয়মিত ভিসা ফি অবশ্যই দিতে হবে। যে সকল আবেদনকারী নির্বাচিত হবেন কেন্টাকি কনস্যুলার সেন্টার থেকে তাদেরকে নির্দেশাবলী পাঠানোর সময় প্রদেয় সকল ফি-র বিষয়ে বিস্তারিতভাবে জানিয়ে দেয়া হবে।

২০. ডিভি আবেদনকারীগণ কি ভিসা পাবার কোন প্রকার অযোগ্যতার ভিত্তিতে কোন প্রকার ছাড়ের জন্য বিশেষভাবে আবেদন করার অধিকারী?

না। অভিবাসন ও জাতীয়তা আইনে উল্লিখিত নিয়মাবলী অনুযায়ী আবেদনকারীগণ অভিবাসন ভিসার জন্য সকল ভিত্তিতে অযোগ্য বলে গণ্য হতে পারেন। আইনে সাধারণভাবে প্রদান করা ছাড় ব্যতীত ভিসা অযোগ্যতার ক্ষেত্রে অন্য কোন বিশেষ ছাড়ের ব্যবস্থা নেই।

২১. যে সব ব্যক্তি ইতিমধ্যেই অভিবাসন ভিসার অন্য কোনো ক্যাটিগরিতে নির্বন্ধিত হয়েছেন তারা কি ডিভি কর্মসূচীর আওতায় আবেদন করতে পারবেন ?
হ্যাঁ, এধরনের ব্যক্তিরা ডিভি কর্মসূচীর অধীনে আবেদন করতে পারবেন।
২২. যে সকল আবেদনকারী নির্বাচিত হবেন তারা ডিভি ক্যাটিগরির আওতায় কতো দিন পর্যন্ত ভিসার জন্য আবেদন করতে পারবেন ?

ডিভি-২০০৫ লটারিতে যে সকল ব্যক্তি নির্বাচিত হবেন তারা কেবলমাত্র ২০০৫ অর্থবছরে আবেদন করার অধিকারী অর্থাৎ ২০০৪ সালের অক্টোবর মাস থেকে ২০০৫ সালের সেপ্টেম্বর মাস পর্যন্ত তারা ভিসার জন্য আবেদন করতে পারবেন। আবেদনকারীদেরকে অবশ্যই অর্থবছর শেষ (৩০শে সেপ্টেম্বর, ২০০৫) হ্বার মধ্যেই ডিভি ভিসা পেতে হবে অথবা তাদের মর্যাদা সমন্বয় করে নিতে হবে। যে সকল ব্যক্তি নির্বাচিত হবেন কিন্তু ২০০৫ অর্থবছরের মধ্যে ভিসা পাবেন না তারা পরবর্তী বছরে কোন প্রকার ডিভি সুবিধা লাভ করবেন না। এছাড়াও, মূল আবেদনকারীর স্বামী/স্ত্রী ও সন্তানেরা যারা ডিভি-২০০৫ কার্যক্রমের আওতায় একই মর্যাদা লাভ করবেন তারাও ২০০৪ সালের অক্টোবর মাস থেকে ২০০৫ সালের সেপ্টেম্বর মাস পর্যন্তই কেবল ডিভি ক্যাটিগরিতে ভিসা নিতে পারবেন। আবেদনকারীগণ যারা বিদেশ থেকে আবেদন করবেন তারা নির্ধারিত সাক্ষাত্কারের চার থেকে ছয় সপ্তাহ আগে কেন্টাকি কনসুলার সেন্টার থেকে সাক্ষাত্কারের চিঠি পাবেন।

যে সব দেশের নাগরিক আবেদন করার যোগ্য অঞ্চল ভিত্তিতে সেই সব দেশের তালিকা

চলতি বছরের ডাইভারসিটি কর্মসূচীর জন্য প্রতিটি ভৌগোলিক অঞ্চলের যে সব দেশের অধিবাসীরা
আবেদন

করার যোগ্য তার তালিকা এখানে দেয়া হলো। পররাষ্ট্র দফতরের ভূগোল বিশারদদের প্রদত্ত তথ্যের ওপর ভিত্তি
করে প্রতিটি অঞ্চলের মধ্যে দেশসমূহ নির্ধারণ করা হয়েছে। যে সব দেশের নাগরিক ডিভি-২০০৫ কর্মসূচীতে
আবেদন করতে পারবে না সেগুলো চিহ্নিত করেছে বুরো অব সিটিজেনশীপ অ্যান্ড ইম্প্রেশন সার্ভিসেস
(বিসিআইএস)। অভিবাসন ও জাতীয়তা আইনের ২০৩(গ) ধারায় বর্ণিত ফর্মুলা অনুসারে তা করা হয়েছে।
বিদেশে নির্ভরশীল এলাকাসমূহ শাসক দেশের অঞ্চলের মধ্যে অন্তর্ভুক্ত। যে সব দেশের নাগরিক ডাইভারসিটি
কর্মসূচীতে (কারণ এই দেশগুলোই পারিবারিক পৃষ্ঠপোষকতায় এবং চাকুরি-ভিত্তিক অভিবাসন অথবা যুক্তরাষ্ট্রে
“উচ্চ প্রবেশের” হার-এর প্রধান উৎস দেশ) আবেদন করার যোগ্য নয় সেগুলোর নাম সেই সেই অঞ্চলের
তালিকার শেষে উল্লেখ করা হয়েছে।

আফ্রিকা

আলজেরিয়া	গান্ধিয়া
অ্যাঙ্গোলা	ঘানা
বেনিন	গিনি
বতসোয়ানা	গিনি বিসাউ
বুর্কিনা ফাসো	কেনিয়া
বুরুন্ডি	লেসোথো
ক্যামেরুন	লাইবেরিয়া
কেপ ভার্দে	লিবিয়া
মধ্য আফ্রিকান প্রজাতন্ত্র	মাদাগাস্কার
শাদ	মালাওয়ি
কমোরস	মাল
কঙ্গো	মেরিতানিয়া
কঙ্গো গণতান্ত্রিক প্রজাতন্ত্র	মারিশাস
আইভোরি কোস্ট	মরকো
জিবুতি	মোজাম্বিক
মিশর	নামিবিয়া
ইকুয়েটরিয়াল গিনি	নাইজার
ইরিত্রিয়া	নাইজেরিয়া
ইথিওপিয়া	বুয়াড়া
গ্যাবন	সাও টোম ও প্রিন্সিপি

সেনেগাল	তাঞ্জানিয়া
সেশেল্স	টোগো
সিরেরা লিওন	তিউর্নিসিয়া
সোমালিয়া	উগান্ডা
দক্ষিণ আফ্রিকা	জাম্বিয়া
সুদান	জিবুতুয়ে
সোয়াজিল্যান্ড	

এশিয়া

আফগানিস্তান	লেবানন
বাহরাইন	মালয়েশিয়া
বাংলাদেশ	মালদ্বীপ
ভুটান	মঙ্গোলিয়া
বুনেই	নেপাল
বার্মা	উত্তর কোরিয়া
কধোড়িয়া	ওমান
পূর্ব তিমুর	কাতার
হংকং (বিশেষ প্রশাসনিক এলাকা)	সৌদি আরব
ইন্দোনেশিয়া	সিঙ্গাপুর
ইরান	শ্রীলংকা
ইরাক	সিরিয়া
ইসরায়েল	তাইওয়ান
জাপান	থাইল্যান্ড
জর্ডান	সংযুক্ত আরব আমিরাত
কুয়েত	ইরেমেন
লাওস	

নিচে উল্লিখিত এশীয় দেশসমূহ চলতি বছরের ডাইভারসিটি কর্মসূচীতে আবেদন করার যোগ্য নয়: চীন (মূল ভু-খড়ে জন্মগ্রহণকারী), ভারত, পাকিস্তান, দক্ষিণ কোরিয়া, ফিলিপাইন, এবং ভিয়েতনাম। হংকং এসএআর, এবং তাইওয়ানে জন্মগ্রহণকারীগণ আবেদন করতে পারবেন এবং তালিকায় তাদের নাম উল্লেখ করা হয়েছে। ম্যাকাও এসএআর-এর বাসিন্দারাও আবেদন করার যোগ্য এবং তালিকায় নাম রয়েছে।

ইউরোপ

আলবেনিয়া	আরমেনিয়া
অ্যান্ডোরা	অস্ট্রিয়া

আজারবাইজান	লুক্সেমবাৰ্গ
বেլারুশ	ম্যাকাও বিশেষ প্ৰশাসনিক অঞ্চল
বেলজিয়াম	মেসিডোনিয়া, সাবেক যুগোশ্লাভ প্ৰজাতন্ত্ৰ
বসনিয়া ও হার্জেগোভিনা	মাল্টা
বুলগেরিয়া	মলদোভা
ক্রোয়াশিয়া	মোনাকো
সাইপ্রাস	নেদারল্যান্ডস (নিৰ্ভৰশীল এলাকাসমূহসহ)
চেক প্ৰজাতন্ত্ৰ	উত্তৱ আয়াৱল্যান্ড
ডেনমাৰ্ক (নিৰ্ভৰশীল এলাকাসমূহসহ)	নৱৰওয়ে পোল্যান্ড
এস্টোনিয়া	পৰ্টুগাল (নিৰ্ভৰশীল এলাকাসমূহসহ)
ফিনল্যান্ড	রোমানিয়া
ফ্রান্স (নিৰ্ভৰশীল এলাকাসমূহসহ)	স্যান ম্যারিনো
জৰ্জিয়া	সাৰ্বিয়া ও মন্টেনিগ্ৰো
জার্মানী	ছেণ্টাকুয়া
গ্ৰিস	ছেণ্টেনিয়া
হাঙ্গেৰি	স্পেন
আইসল্যান্ড	সুইডেন
আয়াৱল্যান্ড	সুইজারল্যান্ড
ইটালি	তাজিকিস্তান
কাজাখস্তান	তুৱংশ
কিৰিঘিজস্তান	তুকমেনিস্তান
লাটভিয়া	ইউক্ৰেন
লাইখটেনষ্টাইন	উজবেকিস্তান
লিথুয়ানিয়া	ভ্যাটিকান সিটি

নিচে উল্লিখিত ইউরোপীয় দেশসমূহ চলতি বছৰেৱ ডাইভাৰসিটি কৰ্মসূচীতে আবেদন কৱাৰ যোগ্য নয়: গ্ৰেট বৃটেন ও ৱাশিয়া। গ্ৰেট বৃটেনেৰ (যুক্তরাজ্য) মধ্যে যে সব এলাকা অন্তৰ্ভুক্ত সেগুলো হলো: অ্যাঞ্জুইলা, বাৰমুডা, ৱৃটিশ ভাৰ্জিন আইল্যান্ডস, কেম্যান আইল্যান্ডস, ফৰিল্যান্ড আইল্যান্ডস, জিৱাল্টাৰ, পিটকেয়ান, সেন্ট হেলেনা, টাৰ্কস ও কেকোস আইল্যান্ডস। এখানে উল্লেখ্য যে কেবলমাত্ৰ ডাইভাৰসিটি কৰ্মসূচীৰ জন্য উত্তৱ আয়াৱল্যান্ডকে আলাদাভাৱে বিবেচনা কৱা হয়েছে। উত্তৱ আয়াৱল্যান্ডেৰ বাসিন্দাৱা ডিভি কৰ্মসূচীতে

আবেদন

কৱাৰ যোগ্য এবং যোগ্য অঞ্চলেৰ তালিকায় এৱে নাম অন্তৰ্ভুক্ত কৱা হয়েছে।

উত্তৱ আমেৰিকা

বাহামা দ্বীপপুঁজি

উত্তৱ আমেৰিকায় কানাডা ও মেক্সিকোৱ বাসিন্দাৱা এ বছৰেৱ ডাইভাৰসিটি কৰ্মসূচীতে আবেদন কৱাৰ যোগ্য নয়।

ওশেনিয়া

অস্ট্রেলিয়া (নির্ভরশীল এলাকাসমূহসহ)

ফিজি

কীরিবাতি

মার্শাল আইল্যান্ডস

মাইক্রোনেশিয়া

নাউরু

নিউ জিল্যান্ড (নির্ভরশীল এলাকাসমূহসহ)

পালাউ

পাপুয়া নিউ গিনি

সলোমন আইল্যান্ডস

টোঙ্গা

তুভালু

ভানুয়াতু

সামোয়া

দক্ষিণ আমেরিকা, মধ্য আমেরিকা, এবং ক্যারিবীয় দ্বীপপুঁজি

অ্যান্টিগুয়া ও বারবুড়া

আর্জেন্টিনা

বারবাডোস

বেলিজ

বলিভিয়া

ব্রাজিল

চিলি

কোস্টারিকা

কিউবা

ডমিনিকা

ইকুয়েডর

গ্রেনাডা

গুয়াতেমালা

গায়ানা

হন্দুরাস

নিকারাগুয়া

পানামা

প্যারাগুয়ে

পেরু

সেইন্ট কিট্স ও নেভিস

সেইন্ট লুসিয়া

সেইন্ট ভিনসেন্ট ও দি গ্রেনাডাইন্স

সুরিনাম

ত্রিনিদাদ ও টোবাগো

উরুগুয়ে

ভেনেজুয়েলা

এই অঞ্চলের যে সব দেশ চলতি বছরের ডাইভারসিটি কর্মসূচীতে আবেদন করার যোগ্য নয় সেগুলো হলো:
কলম্বিয়া, ডমিনিকান প্রজাতন্ত্র, এল সালভাদর, হাইতি, জ্যামাইকা এবং মেক্সিকো।

=====

জিআর/ ২০০৩

দ্রষ্টব্য: এই নির্বন্ধের ইংরেজি ভাষ্য ‘অ্যামেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে অগ্রহী হন, তবে ‘অ্যামেরিকান সেন্টার’-এর প্রেস সেকশনে (টেলিফোন: ৮৮১৩৪৪০-৮, ফ্যাক্স: ৯৮১৬৭৭; ই-মেইল: dhaka@pd.state.gov এবং ডবনংরংব: যঃঃচঃ://www.usembassy-dhaka.org) যোগাযোগ করুন।